

陀羅尼雜集

才三

四百四十五
甲三

51139



陀羅尼雜集卷第三

未詳撰者今附梁錄

甲

摩醯首羅天王呪一首

八臂那羅延天呪一首

大功德天呪一首

八龍王呪八首

并諸菩薩天王龍王發願說偈

摩醯首羅天王呪

我摩醯首羅天王今欲說神呪愍念諸衆生

為除苦本除其我慢心令修忍辱行有呪名

句多吒呪晉言慈悲忍辱

殊呼多一鳥耆多二句多吒三鳥蘇蜜多四

提梨帝吒五若蜜殊吒六句喻吒七鳥蘇蜜



耆吒八句那吒九耶蜜耆吒十烏蘇帝梨吒

一十莎呵

此大神呪乃是過去七恒河沙諸佛所說又
我過去從諸佛所得聞說此大神呪名從是
已來神通自在遍領三千大千世界一切鬼
王皆悉屬我我有神力悉能摧伏我今說此
陀羅尼呪如王解髻明珠與人譬如強力轉
輪聖王威勢自在無有前敵未摧伏者力能
摧伏已調伏者增加守護所須之物令無所
乏時轉輪王威伏百姓復能養育增加守護
猶如慈父等無有異我今大摩醯首羅天王
神力自在亦復如是典領三千大千世界鬼

神諸王養育守護亦復如是摧伏外道及諸
邪見悉令靡伏安住正法復以神通遊騰十
方遊諸佛國佐佛揚化守護正法亦復如是
我今以此大神呪力六道化身度脫衆生現
作鬼王降伏諸鬼摧滅邪見丙修菩薩清淨
戒行久以得處法流水中八住齊階功勳成
就當知皆是大神呪力其諸行人欲得現世
離衆患難欲護正法欲得安隱欲得國土無
諸災疫豐實安樂其王應當勤心讀誦研精
修習此陀羅尼亦當勸勵后妃嫫女諸王子
等勤心修習晝夜讀誦極令通利於月八日
十四日十五日離常在處在空靖地淨潔洗

浴妙香塗身著新淨衣於夜後分明星出時
燒香散五色妙華三種名香供養十方佛已
然後三稱我名摩醯首羅大天王滿我所願
如是三說令我所求皆得吉祥作是願已默
然而坐我於念時當往其所王於念時即當
誦此陀羅尼呪二十一遍默然而坐其王念
時若於夢中若惺悟心得見我身在虛空中
處白蓮華臺放大光明照觸王身王見光已
即得清淨解脫無垢光三昧得是三昧已心
大歡喜心歡喜故所願悉得我時當遣八部
鬼神守護國土國界清夷無諸災橫當知是
此大神呪力

八臂那羅延今欲說神呪名阿波盧耆堯帝
梨置晉言護助佛法消諸姦惡摧滅邪見建
立法幢

度呵堯

一

支波堯

二

若勿堯

三

波羅

帝堯

四

度呵堯

五

究吒堯

六

阿若勿

堯

七

耶窰堯

八

究吒堯

九

度呵堯

十

莎呵

誦呪五遍縷青一色結作四結繫項

此大神呪乃是過去八恒河沙諸佛所說我
於過去從諸佛所聞是神呪是故今日得此
奇特威猛德力神通無礙三界奇挺人無等
雙移山住流手轉日月能接須弥擲置他方

還置本處令此四天王帝釋諸天都不覺知
令此須弥入芥子中四天王官忉利諸天悉
皆不知已之所入令四天下洲合爲一洲各
還本處如本無異其中衆生不知往來神通
自在遊騰十方歷事諸佛守護正法當知皆
是大陀羅尼力若諸國土諸人王等欲護已
身及國土者是王應當建立佛法當修十德
何等爲十一者以慈悲心養育民物二者怨
親平等心無憎愛三者治國正法不枉民物
四者退惡任善識賢別愚五者謙下自卑不
輕賢士六者有來求者不違其意隨其所求
悉皆給與七者於三寶所其心純厚八者拯

濟貧窮愍諸孤老九者國有賢士當徵召之
十者普慈人民捨恨念舊猶如慈父愛念其
子溫潤清流若諸人王能行是德當知是王
諸佛所護我等諸天亦護是王不令隣敵來
侵是界有諸善人福德賢士皆集其國雨澤
順時不被灾霜人民安樂惡龍攝毒無病苦
者是王若能修十善德復能兼誦此陀羅尼
專念在心而不廢忘常於月八日十四日十
五日於正殿上若高樓上香湯沐浴著新染
衣正東而坐日未出時燒香散華供養十方
諸佛然後禮我八臂那羅延天王神力自在
令我所求皆得如願尔時即誦此陀羅尼二

七遍已默然而坐經一食頃我於今時當往其所住虛空中身出光明照觸王身其王介時見光明已轉復精進以精進故所求皆得隨其所願無不剋獲當知此皆是大神呪力我大功德天王今欲說神呪名毘樓呼帝盧晉言護助正法愍苦衆生

耆摩羅呼帝盧 烏晝呼帝盧 句呼那呼

帝盧 若蜜耆帝盧 莎呵

誦呪三遍縷六色結作六結繫項

是大神呪乃是過去七恒河沙諸佛所說我於過去從諸佛所得此神呪今得此身端正殊妙光明照曜諸天中勝神智通達靡所不

知得他心智來今往古如在目前得宿命通
具足三明八解脫事亦悉備足功德備舉如
初住菩薩等無有異爲度衆生現作天女見
諸衆生迴波六趣沒溺苦海無能覺者我今
愍此諸衆生故以此神呪欲擁護之若諸行
人欲求所願病者求差貧者求富賤者求貴
若諸國王惡賊侵境雨澤不時所種不收疫
病流行尔時應當勤心讀誦修行此陁羅尼
七日七夜六時不廢燒香散華供養十方諸
佛供養佛已爲我大功德天敷好妙座以三
種妙華莊嚴此座赤白紫色三種妙漿葡萄
石蜜安石留漿以待於我若在塔中若於靜

室於一一時中勤心讀誦此大神呪七遍乃
止默然而坐我時當與天衆龍衆往是人所
受其供養受供養已與其所願是人亦時若
於夢中若醒悟心即得見我大功德天威顏
相貌光明挺特見已歡喜轉復精進已精進
故所求皆得當知是此大神呪力

我難隨龍王欲說一頭隨羅尼名耆那臆置
晉言護諸衆生拔其四毒箭

若不帝梨那 伊帝帝梨那 伊無帝梨那

若晝令帝梨那 伊不帝梨那 耆呼吒帝

那 莎呵

誦呪五遍黃色縷結作六結繫項

此大神呪乃是過去十恒河沙諸佛所說我
難陀龍王已得大神呪力故常遊諸國十方
佛前神通自在無有罣礙諸佛所說悉能摠
持為衆生說如聞而行拔其毒足補智慧膏
以薩婆若水洗除垢穢拂拭摩搓令心調淨
我難陀龍王常遊諸國觀察衆生有病苦者
隨其偏發療治救濟令得脫難乃至於王後
宮變為女身為諸女人演說法要女人恣態
多諸過惡皆使令發菩提之心厭惡女身皆
因此大神呪力得階十地六道和光現龍王身
雖示龍身不同其塵當知悉是大神呪力日
誦七遍煩惱結使悉得消除現在病苦悉得

消滅欲得如上所說大智慧方便自利利人
勤修讀誦此大神呪誠諦不虛

我婆難陀龍王欲說一頭陀羅尼名陀摩羅
提晉言守護國土滿衆生願

阿支不陀摩羅提 烏蘇兜那陀摩羅提

破殊呵陀摩羅提 烏蘇兜那陀摩羅提

若蜜耆陀摩羅提 烏蘇呵陀摩羅提

置耆呼奴陀摩羅提 支兜梨那陀摩羅提

莎呵

誦呪五遍縷七色結作十四結繫項

此大神呪乃是過去九十九億諸佛所說我
於過去值遇諸佛從諸佛所得此陀羅尼有

大神力神通自在常遊諸國度脫衆生在所
國土若諸國王欲以正法治國土者以天位
治世不枉人物欲得國家無諸災禍欲得鄰
敵不生惡念國王亦時應當深心敬重三寶
恩惠貧窮謙敬仁義恩德普覆尊聖敬德退
惡任善謙敬理信如其國王行此德者十方
諸佛常隨護念釋梵四天王等龍王當隨護
助爲消災害滿其所願求願與願不違其意
是王亦時欲滿願故應當讀誦此陀羅尼於
宮殿內若正殿上於月八日十四日十五日
日未出時正南而坐香湯澡浴著淨潔衣於
其國內諸人民等及諸鄰敵起慈悲心憐愍

之心。尔時應當誦此陀羅尼二十一遍。燒殊
妙香、栴檀、沉水、及薰陸香散、七色華。先當供
養十方諸佛、釋迦如來。應正遍知、諸大菩薩。
天龍八部。然後三稱我名。婆難陀龍王。燒香
供養。滿我所願。如是三說。我時當與天龍八
部。隨其所願。即得當與之。是王。尔時即滿所
願。云何當知得果。其願若於夢中。若惺悟時。
見白龍象及白蓮華。在虛空中。當前而住。當
知。尔時即得所願。

我娑伽羅龍王。今欲說神呪名阿那耆。置盧
晉言普雨法雨於四天下。中無不蒙潤。除諸
衆生鬱蒸熱惱。諸渴乏者。令得豐足。

烏奢都波梨那

耆摩都呼那

蘇耆蜜都呼那

阿支不奴都呼那

烏啄呵都呼那

卑梨帝那都呼那

温耆不都呼那

莎呵

誦呪三遍駝毛縷結作八結繫項

是大神呪乃是過去十恒河沙諸佛所說我

娑伽羅龍王於七百阿僧祇劫已來常修行

此隨羅尼以是之故於諸龍王最上最勝端

正殊妙神通自在能以神力聲震三千極佛

境界無不蒙益一四天下小千世界四天下

中三千大千世界無不蒙潤慈悲普覆等雨

法雨能令衆生增長鞠育菩提根芽若諸衆

生處在三惡三垢覆蔽爲開慧眼令覩光明
若諸國王渴乏須雨我能給足令其豐實四
天下中普皆令等而其國王欲得豐實無他
怨賊欲來侵境於其國內熾然正法恩惠普
覆斷埋怨枉賑諸貧窮有孤老者生憐愍心
若其國王能行是德十方諸佛諸大菩薩釋
梵四天王天龍鬼神常隨護助求願與願無
不獲果王於今時應當修行此陀羅尼於淨
潔處離大憤鬧於七日中不食酒肉五辛白
淨素食酥酪聽食香湯洗浴著白淨衣七日
七夜受持八戒燒衆名香梅檀沉水及薰陸
香散五色華供養十方諸佛我釋迦如來應

正遍知。今時應當三稱我名。娑伽羅龍王。即便誦呪三七遍。於六時中。從初一日。國王。介時。心轉淳厚。一日。二日。乃至七日。便見我身。在其前住。若白龍象像。若轉輪聖王像。隨其所求。能滿其願。為除宿罪。令得道果。

我和修吉龍王。今欲說神呪名。支富提梨那。

晉言。愍苦衆生。令出三界。

憂波支兜那。

如波帝支兜那。

蜜若兜支兜那。

提梨帝那支兜那。

烏蘇欽帝支兜那。

莎呵。

誦呪三遍。殺羊毛。縷結作十四結。繫項。

此大神呪。乃是過去八恒河沙諸佛所說。我

於過去從諸佛所得此陀羅尼句不與諸龍
同其事業常遊諸國修菩薩行面覩諸佛諮
受教誨愍念衆生佐佛化愚常以正法攝持
守護於生死海拔濟令出身爲大船口爲法
橋心爲大海出慈悲水漑灌衆生枯槁福田
悉令生長菩提根芽我所饒益其喻如是若
諸國王欲求所願欲令國土豐實安樂欲令
無有他方怨賊欲使國土無諸疫病怨家讎
對自然殞滅衆官承法不復惱人其王亦時
於其國內熾然正法率諸群臣以正法教溫
良恭儉孝養父母慈悲憐愍孤窮衆生躬自
迴駕供養三寶於三寶所不生疑悔生父母

師長想朋友知識想於身命財生不堅想我
及國土如幻如化愍傷衆生如視赤子若其
國王能修是德復能讀誦此陀羅尼於月八
日十四日十五日淨潔洗浴著新淨衣於正
殿上若高樓上正東而坐日未出時散三色
華三種名香栴檀沉水薰陸香等供養十方
佛已應當爲我和修吉龍王敷置法座正南
而坐以青氎覆我座上三種華三種漿葡萄
石蜜安石榴漿燒黑沉水以待於我其王介
時正東而坐叉手合掌誦此陀羅尼二十一
遍誦呪已訖其王即出與諸群臣默然而坐
我和修吉龍王當與諸天龍神八部八万四

千到是王所於虛空中默然而受其王供養
王於尔時若於夢中惺悟心得見我身如轉
輪聖王七寶侍從見已歡喜轉更精進已精
進故我及天龍八部鬼神便當勤心守其國
土求願與願不違其意真誠如是

我德又伽龍王我欲說神呪度脫諸衆生有

呪名蘇富羅秦言度脫衆生

阿佞帝耆晝 支富屠蘇羅若蜜耆晝

烏瞞都呵晝 畢梨那耆毗若蜜烏都晝

莎呵

誦呪五遍縷紫白二色結作十二結繫項
是大神呪乃是過去七恒河沙諸佛所說是

呪能令諸失心者還得正念度五逆津獲諸
神通具足三明超出三界獨步無畏我於往
古從諸佛所得聞讀誦此大神呪雖現龍身
而無龍業遊諸佛國修菩薩行遊騰十方度
脫衆生出生死海迴波六趣悉能救接扶持
携將到涅槃岸又我過去於閻浮提作國王
女王於今時國土偏狹人民單索恒畏怨敵
來侵其境又復薄福水旱不調穀米勇貴人
民飢饉我於今時在宮殿內父王今時愁憂
不樂語諸群臣當設何計令國豐實人民還
復群臣今時默無答者我時見父愁憂如是
我念過去曾從諸佛受持讀誦此大神呪是

神呪力譬如大蓋能覆三千況此一國普雨
法雨無不蒙益枯木石山皆能生華強者能
伏弱者能佐作是念已即詣王所禮覲問訊
問王所憂王時荅我非汝所知我時荅王有
智慧者不問男女行之即是王時歡喜言說
之我時荅王我念過去九十九億諸佛所說
大神呪王設其功力如上所說王於今時躬
自讀誦精誠剋勵七日七夜受持八戒六時
不廢於一一時中懺悔十方散七色華燒三
種名香一一時二七遍誦王於今時悔過自
責薄福不肖謬得爲王孤負天下慚愧自責
以慚愧故十方諸佛大菩薩衆釋梵四天王

八部鬼神諸大龍王風伯雨師皆悉來集至
其國界雨大法雨枯木石山枯泉河井悉皆
盈滿先逃人民還其本土他國人民聞國豐
實亦來投歸今時隣敵悉來歸伏拜爲大王
八方靡伏遂致太平我念往古大神呪力神
通自在乃致如是若諸人王欲求所願皆應
如是修行此德

阿那婆達多龍王今欲說神呪名婆耆盧晉
言美音讚歎三寶長衆生信擁護正法震大
法之雷生長衆生菩提根芽掬育我成就令
得成辦悉皆令得無上佛果

支波晝提梨那 阿若盧波晝提梨那 和

婆盧波晝提梨那 阿那盧波晝提梨那

阿支不提梨那 若蜜耆耶兜提梨那 胡

蘇波吒兜提梨那 蘇副蜜耆阿支副烏奢

支 莎呵

誦呪三遍縷青黃二色結作六結繫項

此大神呪乃是過去七十七億諸佛所說是

呪能令諸失心者還得正念無智慧者令得

智慧無辯才者令得辯才無陀羅尼者令得

陀羅尼狂者得正瘧者呪其舌根乃至七日

還得能語盲瞎者呪其眼根三七二十一日

日初出時病者東向坐心念口言令我眼根

隨日而生呪師尔時日日呪之一日三呪日

初出時日正中時日欲入時乃至三七二十
一日眼根還生遂還得眼若諸衆生手脚變
癖呪已還復如本無異有諸比丘懈怠不勤
觸事滯礙闇鈍夢爲諸罪垢之所覆蔽當
知是人曾於過去或殺父母或殺和尚阿闍
梨或殺發心菩薩真人阿羅漢或殺時君國
政破塔壞僧此人或曾於大衆中作大妄語
輕毀衆僧或時在俗輕秤小斗欺劫百姓見
孤窮者輕毀凌蔑爲子不孝爲臣不忠見人
行善輕毀憎嫉見諸惡人防護佐助造此衆
惡自纏其身其人命終入阿鼻獄動經劫數
罪畢乃出還得爲人諸根闇鈍示同人類如

是罪人若得值遇善知識者得聞說此陀羅
尼一經耳者復能讀誦修行通利慚愧自責
悔先罪各謙敬自卑敬諸比丘孝順父母恭
敬師長者舊宿長生謙敬心愛語和順鄙悼
自卑慚愧佞頭或時諸人施與飲食當持此
食色香美味施與諸佛和尚阿闍梨我之鄙
惡不消此食餘殘滓惡我能敢受施衣裳湯
藥亦復如是不自卑高身卑下他人恒自改悔
無數劫罪勤心讀誦此陀羅尼於四十八日
在空閑處六時行道供養禮拜十方諸佛於
一一時中七遍誦此陀羅尼精誠改悔莫生
疲厭散五色華三種名香栴檀沉水及薰陸

香滿四十八日已罪垢滅盡無有遺餘隨其
前世根有利鈍其利根者即得道果第二第
三終不能得阿羅漢果其根鈍者正得滅罪
不墮地獄我今所說饒益衆生分別罪福令
其惺悟善惡報應是名護法美妙功德今已
說竟

摩那斯龍王今欲說呪名陁摩叉帝晉言爲
護法故拯濟群萌拔生死苦令得脫難

陁無梨陁尼帝 阿支晝尼梨帝 毗梨帝

那尼梨帝 烏支晝尼梨帝 胡梨帝那尼

梨帝 莎呵

誦呪三遍白疊結作七結繫項

是大神呪乃是過去七恒河沙諸佛所說我
於往昔在閻浮提作大國王十六小國皆悉
屬我我有威猛大策謀力降伏諸國三十六
國忤來屬我我時得病命垂欲終薄福少兒
正有三子最大太子闇鈍少智中者尪弱其
最小子聰明勇喆博學多聞策謀威勇見我
欲終悉皆來集一万大君亦悉來集一万夫
人亦悉來集王時欲終語諸群君言我三子
中誰中爲王諸群君言任大王意王時荅言
不應任我我去之後治國之法霸王之事汝
等當知去何任我諸君咸言善哉大王慈悲
臨覆心無憎愛一万大君同聲唱言第三王

子堪任爲王。一乃大臣言已辭退時。王正殿身體疲懈。語諸子言。我今欲卧。第三王子抱父王頭中者。捉脚。第一王子捉父王手。時王仰卧。即便命終。群臣聞之。號哭來集。一乃夫人亦悉號哭。舉身投地。第三王子見父背喪。呼號懊惱。自投於地。良久。乃蘇。第一太子默然不坐。第二王子坐。啼脚頭。諸群臣言。諸王子等相貌有異。有一大臣是王叔父。大王在時。恒以國事付此大臣。宰相念言。大王在時。恒以國事付囑於我。今此王子意志有異。我宜問之。即前問言。今王背喪。諸群臣等皆悉已集。人父子之情。不應如是默然而坐而不

涕泣王子荅言我與父王都無因緣第三王子獨是王子我等二人猶如賓客暫來相過大呂荅言不應如是國是汝有非兄則弟第三王子嗶吡宛轉前抱兄足我小幼稚不應爲王願兄臨顧紹父王位兄時荅言父王臨終告勅於汝我曷先生不見告勅是父王過非汝僣咎我等二人且當入山精誠剋勵求神仙道言已即去精誠不久獲得五通移山住流手挽日月第三王子墓送父訖得紹王位統領諸國四十八年其後漸漸貪濁心起人民厭賤諸小國王及諸群臣咸皆思念山中神仙無貪之性及得爲仙我等往昔咸

愚癡聰聖王子以爲愚癡貪濁王子以爲賢
聖作是念已咸相謂言我等諸人當共入山
勸請神仙以爲大王兼有神化威伏諸國作
是念已一万大臣皆共入山推覓求索會遇
見之一万大臣拜覲問訊神仙尊者我等頑
愚不識正真爲此貪王之所惱亂人民逃竄
國將空虛唯願尊仙垂顧留眄慈悲普覆令
國還復仙人答言我無是事諸臣答言實不
得止仙人答言我寧此死終不戀國還爲人
王一万大臣咸相謂言我若返國亦皆當死
貪王所殺不如住此求道神仙飲水食果清
閑寂寞精誠不久皆獲五通飛騰清虛靡不

周遍尔時貪王心生慚愧即捨王位出家學
道開父王歲欲大布施見一金櫃七處印印
之以手開櫃得陀羅尼是過去諸佛所說如
前無異得陀羅尼又開父王歲著四衢道頭
恣其人民擔負而去我於尔時得此陀羅尼
已即入靜室七日七夜精勤修習漏盡意解
即獲五通尔時國王福德少故隣國侵境風
雨不時人民飢餓是時國王即請比丘以為
國師共我治化比丘是時即受其請愍衆生
故為作國師教其國王治化正法不貪為本
慈悲為性賞善罰惡尊敬道德慈愍人民如
視赤子尔時教王此陀羅尼句王於尔時精

誠至故七日七夜精進不懈以精進故十方諸佛諸大菩薩釋梵四天王二十八部諸大鬼神諸大龍王擁護國土集其國界雨澤時節穀米豐熟人民安樂已安樂故諸小國土皆悉歸屬當知皆是大神呪力威神乃尔若諸國王於釋迦牟尼佛千載末頭欲求所願

必應如是古者國王等無有異

我漚波羅龍王今欲說神呪名伊提妬摩晉言稱衆生心不違其意譬如大海七珍具足取者皆得其不取者非龍王咎

烏都胡盧都 支波都 宿佉都 耆摩都
烏吒都 若蜜耆都 畢梨帝那都 烏蘇

都 莎呵

誦呪三遍縷紅白二色結作八結繫項

此大神呪乃是過去二十恒河沙諸佛所說
我從諸佛得此陀羅尼從是已來百阿僧祇
劫有大神力神通自在遊騰十方歷事諸佛
常以愛語軟語利益同事調伏衆生於諸衆
生猶如慈父心意寬弘猶如大海含受衆生
無所不包堪任荷負無量重擔愍苦衆生施
其安隱若諸衆生來求索者隨其所願不逆
其意求官職者令得職爵求大富者施其寶
藏疾病者施其安隱若諸國王欲求所願我
悉與之不違其意求長壽與長壽欲令國土

無災害雨澤時節不早不澇正得其中無諸
災霜穀米豐熟人民安樂疫毒不行滿其所
願終不違意是王介時復能讀誦上來所說
陀羅尼句兼以十善化諸人民如我上說所
修功德其王亦應如是修行修行得已兼復
讀誦此陀羅尼曩劫所作極重惡業皆悉消
滅無有遺餘是王介時罪垢滅已其心泰然
無衆惱患怨憎平等無有親愛常以月八日
十四日十五日沐浴受齋於清旦時日王未
出若正殿上若高樓上正東而坐七遍誦此
陀羅尼呪燒白栴檀及沉水香散十色華供
養十方佛已介時應當三稱我名漚波羅龍

王滿我所願如是三說即尋誦此陀羅尼句
七遍乃止是王介時已精誠故十方諸佛諸
大菩薩釋梵四天王八大龍王我漚波羅龍
王以慈悲蓋覆其國土以甘露水灑其國界
令其疾病疫毒惡氣悉得消滅是名大神呪
力滿願不虛

文殊師利菩薩我欲說有四弘誓何等爲四
一者覆育一切衆生猶如橋船度人無倦二
者包含萬物猶如太虛三者願使我身猶如
藥樹其有聞者患苦悉除四者願我當來得
成佛時所度衆生如恒邊沙是爲菩薩曠濟
之心

虛空藏菩薩我欲樂說菩薩摩訶薩修行淨
土清淨妙行有四事何等爲四一者損己利
人拯濟群生二者利衰毀譽不生憂感三者
貞潔不婬戒行清淨如白蓮華四者我當來
世得作佛時國土所有一切衆生妙行成就
人天無別是爲菩薩莊嚴淨土清淨妙行
觀世音菩薩復欲樂說菩薩有四攝法何等
爲四一者菩薩修行六波羅蜜兼以化人拯
濟一切二者生慈悲心育養群生三者自利
利人彼我兼利四者見病苦者其心憐愍如
視赤子是爲菩薩四攝法攝取衆生菩薩廣
利衆生攝取淨土妙善功德

救脫菩薩復欲樂說有四弘誓不與聲聞辟
支佛共何等爲四一者願使我心猶如大地
一切草木叢林萌芽因之增長地無憎愛二
者願使我心猶如橋船運度衆生無有疲厭
三者願使我心猶如大海容受一切百川衆
流投之不溢四者願使我身猶如虛空苞含
萬物猶如法性是爲菩薩四大弘誓不與聲
聞辟支佛共

跋陀和菩薩我欲樂說菩薩妙行有八事何
等爲八一者菩薩處於五滓世界拔濟衆生
不生疲厭二者見諸衆生興起福事營護佐
助不生穢心三者見人爲惡敦喻訶諫令得

捨離四者有患難者拯濟憐愍女母愛子五
者有來求者不惜身命六者有患難處扶侍
携接令得脫難七者見邪見人憐愍敦喻令
得正見八者鞠育衆生猶如赤子所有功德
悉持施與共用迴向無上菩提是爲菩薩八
事利益無量衆生

大勢至菩薩復欲樂說菩薩有四事利益衆
生心無疲倦何等爲四一者菩薩摩訶薩自
捨樂施與衆生見他受苦如己無異慈心
沈愧痛徹骨髓二者菩薩摩訶薩於沒溺處
設大橋船運度衆生無有疲厭三者菩薩摩
訶薩於生死海中衆生洄復自手牢接令達

彼岸四者知諸衆生往古來今猶如幻化雖
達此理度人無厭是爲菩薩四事利益拯濟
群生

得大勢菩薩復欲樂說誰能於釋迦牟尼佛
遺法中作佛事者我等八人常當擁護略說
有四事何等爲四一者憶無量苦見衆生苦
如我無異二者我等所持戒功德悉捨施與
衆生共用迴向無上菩提三者能忍苦事荷
負一切衆生到於彼岸四者發舉一切衆生
心猶如慈父念子無異是爲菩薩自利利人
清淨妙行

堅勇菩薩復欲樂說菩薩妙行有四事何等

為四一者願我常生無佛世界喻如日月行
閻浮提為其除冥二者如以金篦洗其眼瞶
令觀光明三者作大藥樹一切衆生得聞香
者病苦消除四者常演說法如樹法雨萌芽
生長成就果實悉發無上菩提之心是為菩
薩四大弘誓

我文殊師利

今欲說妙偈

今此經流布

衆生無疑心

七佛菩薩衆

所說深妙法

諸天龍王神

言辭甚奇特

純說妙行呪

護國及行人

書寫讀誦者

必共千佛會

虛空藏菩薩

今欲說半偈

美歎書寫者

書寫讀誦者

上來賢聖教

稱揚轉教人

言辭婉約美 妙好無窮盡 猶如大海水

深廣叵窮盡 此人之功德 億倍過於彼

我文殊師利今欲說偈

一切衆生類 迴波姪鬼界 無能覺之者

唯我能救拔 永斷生死本 普處寂滅樂

梵天王所說二偈

我常修行四無量 今來至此聞妙言

濟拔衆生生死苦 永以無復憂惱患

兜率天王今欲說三偈

我於往昔值諸佛 得昇兜率爲王

今以得聽一妙言 以了心曠開慧眼

其有衆生一經耳 不墮三塗昇梵天

他化自在天王欲說一偈半

聞此閻浮提諸大菩薩等

演說微妙義

我心大歡喜永拔生死種

得昇泥洹堂

化樂天王所說二偈半

我聞閻浮提

菩薩大士等

各各說妙行

四攝及弘誓

我聞此句已

心眼霍然開

願使諸天衆

得此淨眼根

永斷生死流

普得昇泥洹

炎摩天王欲說兩偈如意珠

我等久處於天宮

厭離三界生死苦

何時如蚍蛄脫故皮

永得寂滅涅槃樂

初利天王欲說一偈半

久處於生死

獸離欲淤泥

興起大慈悲

濟拔生死苦

永脫生死苦

得入涅槃城

提頭賴吒天王欲說四偈

四大天王中

我最為第一

我雖作天王

不脫鬼神苦

我作鬼神王

已經五百歲

東西常馳騁

濟度諸群生

哀哉過去世

曾作人中王

治化不以理

今作鬼神王

有願諸國王

正治於國事

莫作貪濁行

復受鬼神身

毗樓博叉天王欲說一偈半

我念過去世

生於閻浮提

豪富得自在

諂曲不端直

今雖作鬼王

猶受鬼神苦

毗樓勒叉天王欲說三偈

我今作鬼王 得離三塗苦

涉歷四天下

救諸病苦者 憶念過去世

曾作天中王

放逸著五欲 今受鬼王身

又願人中王

謹慎不放逸 度脫諸衆生

普得涅槃樂

毗沙門天王欲說三偈

我於往昔修菩提

為衆生故作鬼王

衆生久處無明闇

我以金篋開其眼

慧眼既開度生死

生死既脫昇泥洹

難陀龍王欲說二偈半

我現處龍宮 欲度諸龍衆

聞諸菩薩衆

各各說妙行 諸天龍神等

咸皆側耳聽

天衆及龍衆

歡喜不自勝

我及諸營從

得脫諸龍身

婆難陀龍王今欲說一偈半

我處於龍宮

猶如蠶處繭

願得智慧力

壞此無明闇

濟拔衆厄難

超度生死海

娑伽羅龍王欲說二偈

我念過去世

曾作人中王

慳恡於寶藏

今受龍王身

又願諸國王

慈惠普拯濟

治化以正法

莫復受龍身

和修吉龍王欲說二偈半

我雖受龍身

不受熱沙苦

又於過去世

曾作人中王

貪濁著世樂

今受龍王身

又願諸國王

獸離於世樂

如囚獸於狴

超出三界門

德又迦羅龍王欲說二偈半

又我於過去

曾作人中王

妻子及奴婢

悉皆用布施

坐以一瞋故

今受龍王身

又願諸國王

謙敬以仁義

莫復自豪貴

後受龍王身

阿那婆達多龍王欲說四偈

我念過去世

曾於閻浮提

曾作國王女

端正無等雙

父王甚愛重

名曰白蓮華

嫁與鄰國王

不得適其意

瞋恚自害死

經歷三塗苦

今受龍王身

又願諸女人

厭惡女姿態

莫復懷妬忌

後受毒龍苦

難得脫苦時

摩那斯龍王今欲說二偈半

久處於龍宮

厭患諸龍鼻

腥臊如溷豬

處廁不覺苦

三界諸人天

皆亦復如是

樂在三界獄

如豬不厭廁

哀哉甚可傷

不知求解脫

漚波羅龍王今欲說五偈半

我於過去世

曾於閻浮提

婆羅門家生

聰明甚黠慧

時有隣國王

女來娉我妻

此女不貞良

私外共人通

我時伺捕得

斬之於都市

我時惡得此

送之歸本國

思惟欲穢惡 出家行正道 復遇惡知識
不值好同學 引置諸姪女 時我惋歎恨
持刀自刎死 經歷三塗苦 從是受龍身
甚苦不可言

胡蘇佉羅龍王今欲白一爭 餘國皆易化

我於閻浮提 典主十六國 貪濁多姦詭
唯此國難教 群臣皆諂僞
旱澇不均平 莫不由此事

隨羅尼雜集卷第三

晝

反知

右

兕

丁

侯

反

醯

反呼

芳

吒

竹

家

反

又

蘇

作正

也酥

酪

逃

反徒

刀

箴

正莫

結

反蔑

鄙

反卑

美

嗒

正號

二作

同號

寂

寘

莫下

音

不

滂

到下

反郎

拯

濟

上

拔之

忍

反

洄

復

上

音

伏音

蝥

作音

蠶

正

鹽

正古

作典

反

蕪

詭

下上

矩正

作

反



